

**SEÑOR** a bisa: "**Mi ta ku bo**" ku **ún i úniko propósito**, pa **Kambia** abo, pa **Transformá** abo, pa asina abo no sea konforme e **mundu** aki, ma sea **Transformá** pa medio di e **Renovashon** di bo mente, pa bo por **prueba bo mes** i **Komprendé** kiko ta e **Bon** i **Agradabel** i **Perfekto Boluntat** di **SEÑOR**.

Den henter Eskritura for di e promé buki Génesis te e último buki Revelashon tin skirbi "**Mi ta ku bo**" i ta wòrdu papia di **Kambia**, **Transformá** i **Renová** bo mes. E promé hòmber Adam tabata sa ku "**Mi ta ku bo**" ora su esposa a bisé e: "tuma kome e ta **Dushi** i **Bon** i **Agradabel**." (**Gen. 3:6**). Abraham tabata sa ku "**Mi ta ku bo**" ora su esposa a bisé e: "Awor mira, **SEÑOR** no a lagami haña yu. Pa fabor, drumi ku mi kriá Hagar; podisé lo mi haña yu pa medio di dje." (**Gen. 16:2**). Anto Isaak a hasi orashon na "**Mi ta ku bo**" pa su esposa, pasobra esaki tabata steril; i **SEÑOR** a kontesta i su esposa Rebeka a sali na estado (**Gen. 25:21**).

E hòmber, e esposo ta den un dilema konstante, pasobra "**Mi ta ku bo**" a bisa e hòmber ku e lo **Unifiká**, **Integrá**, **Transformá** i **Pega na** su esposa, anto nan lo bira **ún karni**, **ún union**, **ún harmonia** (**Gen. 2:24**). Tambe "**Mi ta ku bo**" a bisa e esposo ku e esposa ta pa **Kompletá** e hòmber, es desir pa **Yuda**, **Adaptá** i **Transformá** e esposo na e **Imágen** i **Semehansa** di **SEÑOR**. Awèl e dilema konstante di sigui "**Mi ta ku bo**" òf sigui su esposa solamente lo wòrdu eliminá den **Unidat** dor di **Kambia** i bira un **Unshon Nobo** i **Ekselente** ku ta e **Bon** i **Agradabel** i e **Perfekto Boluntat** di **SEÑOR**. Awor tur kos e hòmber a haña di **SEÑOR** i tur kos por wòrdu kita for di e hòmber bek, eksepto **ún**; e esposo su **Boluntat**. E esposo ta **liber** pa **Unifiká**, **Integrá**, **Transformá** i **Pega na** su esposa i bira **ún karni**, **ún union**, **ún harmonia** ku su esposa.

Adam tabata tin e **Boluntat liber** pa disidí kiko e ta hasi, sigui "**Mi ta ku bo**" òf sigui su esposa. Abraham ta tin e **Boluntat liber** pa disidí pa drumi ku Hagar òf no, i e tempu ei no tabata nada straño den e komunidad ei pasobra tur hende tabata hasiendo meskos. Ta pa esei **SEÑOR** a bisa Abraham sali bai laga atras tur bo famia. Asina aki **SEÑOR** por a kuminsá **Kambia**, **Transformá** i **Renová** Abraham su manera di pensa i hasi. Dia Isaak su esposa tabata steril, Isaak a hasi orashon na "**Mi ta ku bo**" pasobra esei tabata tur loke e tabata sa. Di-kon? pasobra Isaak tabata un kreashon nobo (**2 Kor. 5:17**), e no ta tin saber di e bieu. Isaak su **Boluntat liber** a pone sigui "**Mi ta ku bo**" i hasi loke ta e **Bon** i **Agradabel** i **Perfekto Boluntat** di **SEÑOR**.

**Transformá**, **Unifiká**, **Adaptá**, **Integrá**, **Renová** tur ta palabra nan ku ta nifiká **Kambia**, pero pa **Kambia** ta abo personalmente so por hasi esei. "**Mi ta ku bo**" Su **ún i úniko propósito**, ta pa **Kambia** abo. **Yeshua Mesias** a bini pa kumpli ku e **ún i úniko propósito** aki, loke ta pa **Transformá**, **Unifiká**, **Adaptá**, **Integrá**, **Renová** abo i asina abo por **Komprendé** e **Enseñansa Kompleto**.

**Yeshua Mesias** a bini pa **Kumpli i Kompletá** e **Enseñansa Kompleto** (**Mat. 5:17**).

**Yeshua Mesias** a bini pa **Perfekshoná** e fundeshi riba kual nos por sigui **Konstruí** (**Mat. 5:17**).

**Yeshua Mesias** a bini pa **Hasi Kompleto** den tur sentido e **Enseñansa Kompleto** (**Mat. 5:17**).

**Yeshua Mesias** a bini pa **Realisashon i Renovashon** di e **Enseñansa Kompleto** (**Mat. 5:17**).

**Yeshua Mesias** a bini pa **Aklará i Adaptá** e **Enseñansa Kompleto** (**Mat. 5:17**).

**Yeshua Mesias** a bini pa **Transformá, Unifiká, Integrá** e **Enseñansa Kompleto** (**Mat. 5:17**).

**Yeshua Mesias** a bini pa **Komprendementu i Splikashon** di e **Enseñansa Kompleto** (**Mat. 5:17**).

**"Mi ta ku bo" Su ún i úniko propósito**, ta pa **Kambia** abo i **Yeshua Mesias** a bini pa kumpli ku e **ún i úniko propósito** aki. Awor ta keda na abo su **Boluntad liber** pa disidí di sigui **"Mi ta ku bo"** i hasi loke ta e **Bon** i **Agradabel** i **Perfekto Boluntad** di **SEÑOR**. E ora ei abo por **Unifiká** bo mes ku **"Mi ta ku bo" Su ún i úniko propósito** pa **Kambia** abo, asina **Transformá i Unifiká** e esposo i esposa den **ún karni, ún union, ún harmonia** loke ta e **Bon** i **Agradabel** i **Perfekto Boluntad** di **SEÑOR**.

27 yanüari 2017

Sea Bendishoná den e Amor di Yeshua Mesias

Rev. Remsly L Riley